

Bosna i Hercegovina  
*Federacija Bosne i Hercegovine*  
ZENIČKO-DOBOJSKI KANTON  
OPĆINA MAGLAJ  
OPĆINSKO VIJEĆE



Bosnia and Herzegovina  
*Federation of Bosnia and Herzegovina*  
ZENICA – DOBOJ CANTON  
MAGLAJ MUNICIPALITY  
MUNICIPAL COUNCIL

Broj:  
Maglaj, 2021.godine

Na osnovu člana 2.15. Izbornog zakona Bosne i Hercegovine („Službeni glasnik BiH“, broj: 23/01, 07/02, 09/02, 20/02, 25/02, 04/04, 20/04, 25/05, 52/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20) i člana 18. Statuta Općine Maglaj („Službene novine Općine Maglaj“, broj: 8/07, 3/08 i 6/08), postupajući po Obavještenju Centralne izborne komisije Bosne i Hercegovine broj: 06-1-07-1-153/21 od 25.02.2021. godine, Općinsko vijeće Maglaj na sjednici održanoj dana \_\_\_\_\_ godine, donosi

**ODLUKU**  
**o stavljanju van snage Rješenja o razrješenju**  
**zamjenskog člana Općinske izborne komisije Maglaj**

**Član 1.**

Ovom Odlukom stavlja se van snage Rješenje o razrješenju zamjenskog člana Općinske izborne komisije Maglaj broj: 02-45-1-318/21 od 03.02.2021.godine („Službene novine Općine Maglaj“, broj:2/21), kojom se sa dužnosti zamjenskog člana Općinske izborne komisije Maglaj razrješava Anisa Pračić-Šehić.

**Član 2.**

Rješenje se stavlja van snage iz razloga što Centralna izborna komisija Bosne i Hercegovine, aktom broj: 06-1-07-1-153/21 od 25.02.2021.godine nije dala saglasnost na razrješenje zamjenskog člana Općinske izborne komisije Maglaj.

**Član 3.**

Ova Odluka stupa na snagu danom donošenja i ima se objaviti u „Službenim novinama Općine Maglaj“.

PREDSJEDAVAJUĆA  
Svjetlana Zamboni- Radovanović

## O b r a z l o ž e n j e

Pravni osnov za donošenje ove Odluke sadržan je u članu 2.15. Izbornog zakona Bosne i Hercegovine.

U skladu sa Izbornim zakonom Bosne i Hercegovine, članove Općinske izborne komisije imenuje Općinsko vijeće, a saglasnost na takvu odluku daje Centralna izborna komisija Bosne i Hercegovine. U skladu sa Odlukom o broju članova izborne komisije osnovne izborne jedinice u Bosni i Hercegovini („Službeni glasnik BiH“, broj:17/18 i 56/19), Općinska izborna komisija Maglaj broji ukupno tri člana. Obzirom da se nakon razrješenja trećeg člana OIK-a gospođice Tea Zamboni ni nakon ponovljenog Javnog oglasa niko nije ni prijavio, a kamo li bio izabran i imenovan, uvidom u evidencije koje se vode u Centralnoj izbornoj komisiji Bosne i Hercegovine utvrđeno je da Općinskoj izbornoj komisiji Maglaj nedostaje jedan član.

Zbog činjenice da je Centralna izborna komisija BiH donijela Odluku o raspisivanju i održavanju Lokalnih izbora 2020.godine, broj:05-1-07-1-393-1/20 od 07.05.2020.godine, Općinska izborna komisija Maglaj je morala biti popunjena zbog izvršavanja obaveza iz člana 2.13 Izbornog zakona BiH („Službeni glasnik BiH“, broj; 23/01, 07/02, 09/02, 20/02, 25/02, 04/04, 20/04, 25/05, 52/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16).

S tim u vezi, Centralna izborna komisija BiH je svojim aktom broj:06-1-07-1-410-6/20 od 11.05.2020.godine naložila Općinskom vijeću Maglaj, da u skladu sa odredbom člana 2.15 stav (2) Izbornog zakona BiH izvrši imenovanje zamjenskog člana Općinske izborne komisije Maglaj, vodeći računa da član izborne komisije ispunjava uslove propisane Izbornim zakonom BiH i Uputstvom o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik BiH“, broj: 29/18 i 36/19). Ukoliko Općinsko vijeće Maglaj do određenog roka ne izvrši imenovanje zamjenskog člana, bilo je u obavezi dostaviti Centralnoj izbornoj komisiji BiH prijedlog kandidata i potrebnu dokumentaciju, nakon čega će Centralna izborna komisija BiH izvršiti imenovanje zamjenskog člana. Mandat, odnosno period na koji će biti imenovan zamjenski član Općinske izborne komisije je do potvrđivanja rezultata Lokalnih izbora 2020.godine.

S tim u vezi dana 29.07.2020.godine na sjednici Općinskog vijeća donesena je Odluka o imenovanju zamjenskog člana Općinske izborne komisije Maglaj, broj:02-04-1-185/20, kojom mandat zamjenskog člana Općinske izborne komisije Maglaj teče po uputama Centralne izborne komisije BiH, tačnije od davanja saglasnosti od strane Centralne izborne komisije Bosne i Hercegovine do potvrđivanja rezultata Lokalnih izbora 2020.godine, na šta je Centralna izborna komisija BiH dala saglasnost.

Centralna izborna komisija je uputila akt Općinskom vijeću Maglaj, broj:06-1-07-1-49-16/21 od 11.01.2021.godine, koji je na pisarnicu Općine Maglaj zaprimljen dana 21.01.2021.godine, a u kojem se traži da Općinsko vijeće Maglaj odmah pristupi provođenju procedure razrješenja zamjenskog člana i imenovanju redovnog člana Općinske izborne komisije.

Dana 03.02.2021.godine na 2. redovnoj sjednici Općinsko vijeće je donijelo Rješenje o razrješenju zamjenskog člana Općinske izborne komisije Maglaj, broj:02-45-1-318/2021, kao i Odluku o raspisivanju javnog oglasa za imenovanje člana Općinske izborne komisije Maglaj, broj:02-45-1-319/2021, a dana 12.02.2021.godine aktom Općinskog vijeća Maglaj tražena saglasnost na razrješenje zamjenskog člana Općinske izborne komisije Maglaj od strane Centralne izborne komisije BiH.

Na traženje saglasnosti Općinskog vijeća Maglaj, Centralna izborna komisija BiH je dana 02.03.2021.godine, aktom broj 06-1-07-1-153/21 obavijestila o sljedećem:

U skladu sa odredbom člana 2.15 stav (3) Izbornog zakona BiH („Službeni glasnik BiH“, broj; 23/01, 07/02, 09/02, 20/02, 25/02, 04/04, 20/04, 25/05, 52/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14,31/16 i 41/20), mandat zamjenskog člana traje

do izbora novog člana izborne komisije po postupku propisanom odredbom člana 2.12.stav (5) Izbornog zakona BiH.

S obzirom da je Općinsko vijeće Maglaj donijelo Odluku o raspisivanju javnog oglasa za izbor i imenovanje člana Općinske izborne komisije, potrebno je nakon provedenog postupka i imenovanja redovnog člana, istovremeno i razriješiti zamjenskog člana Općinske izborne komisije Maglaj. Zamjenski član izvršava sve obaveze i ostvaruje sva prava propisana Izbornim zakonom BiH, do razrješenja sa dužnosti.

Kako bi se postupilo po citiranom Obavještenju Centralne izborne komisije BiH, te ispoštovale odredbe Izbornog zakona BiH, valjalo je donijeti Odluku kojom će se ranije doneseno Rješenje o razrješenju zamjenskog člana Općinske izborne komisije staviti van snage.

Shodno navedenom Anisa Pračić-Šehić, ostaje zamjenski član Općinske izborne komisije Maglaj do imenovanja redovnog člana Općinske izborne komisije.

Obradivač

Emina Hasanić

Stručni savjetnik za poslove Općinskog vijeća i Općinskog načelnika

